

Na osnovu člana 14. Zakona o sistemu indirektnog oporezivanja u Bosni i Hercegovini ("Službeni glasnik BiH", br. 44/03, 52/04, 34/07 i 4/08), člana 11. i člana 43. Zakona o akcizama u Bosni i Hercegovini ("Službeni glasnik BiH", broj 49/09), Upravni odbor Uprave za indirektno oporezivanje, na sjednici održanoj dana 05.06.2012. godine, donio je

PRAVILNIK

O IZMJENAMA I DOPUNAMA PRAVILNIKA O PRIMJENI ZAKONA O AKCIZAMA U BOSNI I HERCEGOVINI

Član 1.

U Pravilniku o primjeni Zakona o akcizama u Bosni i Hercegovini ("Službeni glasnik BiH", br. 50/09 i 80/11), u članu 2. stav (1) mijenja se definicija pojma "držalac skladišta ulja za za loženje" i glasi:

"držalac skladišta ulja za loženje"- označava pravno lice koje, uz ispunjenje uvjeta za obavljanje djelatnosti trgovine uljem za loženje EL i LS propisanih entitetskim propisima o trgovini, izvrši registraciju kod UIO",

dodaje se pojam:

"Carinska tarifa Bosne i Hercegovine koja je sastavni dio Odluke o usuglašavanju i utvrđivanju Carinske tarife BiH - u daljnjem tekstu CT BiH".

Član 2.

Član 3. mijenja se i glasi:

"Član 3.

(Motorni benzin)

(1) Motornim benzinom, u smislu člana 5. tačka a) Zakona smatra se:

- a) motorni benzin sa sadržajem olova većim od 0.013 g/1 sa oktanskim brojem (RON) manjim od 98 koji se svrstava u okviru tarifne oznake 2710 12 51 00 CT BiH,
- b) motorni benzin sa sadržajem olova većim od 0.013 g/1 sa oktanskim brojem (RON) od 98 ili većim koji se svrstava u okviru tarifne oznake 2710 12 59 00 CT BiH,
- c) motorni benzin za avione koji se svrstava u okviru tarifne oznake 2710 12 31 00 CT BiH,
- d) motorni benzin sa sadržajem olova većim od 0.013 g/1, neovisno od oktanske vrijednosti, namijenjen za upotrebu u specifičnim procesima, a koji se svrstava u okviru tarifne oznake 2710 12 11 00 CT BiH,
- e) motorni benzin sa sadržajem olova većim od 0.013 g/1, neovisno od oktanske vrijednosti, namijenjen za hemijsku preradu, a koji se svrstava u okviru tarifne oznake 2710 12 15 00 CT BiH.

- (2) Bezolovnim motornim benzinom, u smislu člana 5. tačka a) Zakona smatra se:
- a) motorni benzin sa sadržajem olova ne većim od 0.013 g/1 sa oktanskim brojem (RON) manjim od 95, koji se svrstava u okviru tarifne oznake 2710 12 41 00 CT BiH,
 - b) motorni benzin sa sadržajem olova ne većim od 0.013 g/1 sa oktanskim brojem (RON) 95 ili većim, ali sa manjim od 98, koji se svrstava u okviru tarifne oznake 2710 12 45 00 CT BiH,
 - c) motorni benzin sa sadržajem olova ne većim od 0.013 g/1 sa oktanskim brojem (RON) 98 ili većim, koji se svrstava u okviru tarifne oznake 2710 12 49 00 CT BiH,
 - d) motorni benzin sa sadržajem olova ne većim od 0.013 g/1, neovisno od oktanske vrijednosti, namijenjen za upotrebu u specifičnim procesima, a koji se svrstava u okviru tarifne oznake 2710 12 11 00 CT BiH,
 - e) motorni benzin sa sadržajem olova ne veći od od 0.013 g/1, neovisno od oktanske vrijednosti, namijenjen za hemijsku preradu, a koji se svrstava u okviru tarifne oznake 2710 12 15 00 CT BiH".

Član 3.

Član 4. mijenja se i glasi:

"Član 4.

(Dizel gorivo i ostala gasna ulja)'

Dizel gorivom i ostalim gasnim uljima, u smislu člana 5. tačka b) Zakona smatra se:

- a) Dizel gorivo koje se, u skladu s propisima o kvalitetu i drugim zahtjevima, stavlja u promet kao takva vrsta proizvoda, a ovisno od sadržaja sumpora svrstava se u okviru tarifnih oznaka 2710 19 43 00, 2710 19 46 00, 2710 19 47 00 i 2710 19 48 00 CT BiH,
- b) Gasna ulja koja sadrže biodizel, a koja se ovisno od sadržaja sumpora, svrstavaju u okviru tarifnih oznaka 2710 20 11 00, 2710 20 15 00, 2710 20 17 00 i 2710 20 19 00 CT BiH,
- c) Ostala gasna ulja, osim ulja lož ulja ekstra lakog, koja se svrstavaju u okviru tarifnih oznaka 2710 19 43 00, 2710 19 46 00, 2710 19 47 00 i 2710 19 48 00 CT BiH,
- d) Gasna ulja koja su namijenjena za upotrebu u specifičnim procesima, a koja se svrstavaju u okviru tarifne oznake 2710 19 31 00 CT BiH,
- e) Gasna ulja koja su namijenjena za hemijsku preradu, a koja se svrstavaju u okviru tarifne oznake 2710 19 35 00 CT BiH."

Član 4.

Član 5. mijenja se i glasi:

"Član 5.

Kerozin (petrolej)

Kerozinom, u smislu člana 5. tačka c) Zakona smatra se:

- a) Kerozin koji se koristi kao gorivo za mlazne avione, a svrstava se u okviru tarifne oznake 2710 19 21 00 CT BiH,
- b) Ostali kerozini koji se svrstavaju u okviru tarifne oznake 271019 25 00 CT BiH,
- c) Kerozin koji namijenjen za upotrebu u specifičnim procesima, a koji se svrstava u okviru tarifne oznake 2710 19 11 00 CT BiH,
- d) Kerozin koji namijenjen za hemijsku preradu, a koji se svrstava u okviru tarifne oznake 2710 19 15 00 CT BiH".

Član 5.

Član 6. mijenja se i glasi:

"Član 6.

(Lož ulje ekstra lako i lako specijalno)

(1) Lož uljem ekstra lakim (EL), u smislu člana 5. tačka d) Zakona smatra se:

- a) Proizvod koji se, u skladu s propisima o kvalitetu i drugim zahtjevima, stavlja u promet kao lož ulje ekstra lako, a ovisno od sadržaja sumpora svrstava se u okviru tarifnih oznaka ex 2710 19 43 10, 2710 19 46 10, 2710 19 47 10 i 2710 19 48 10 CT BiH,
- b) Lož ulje ekstra lako koje je namijenjeno za upotrebu u specifičnim procesima, a koje se svrstava u okviru tarifne oznake 2710 19 31 00 CT BiH,
- c) Lož ulje ekstra lako koje je namijenjeno za hemijsku preradu, a koje se svrstava u okviru tarifne oznake 2710 19 35 00 CT BiH.

(2) Lož uljem lakim specijalnim (LS), u smislu člana 5. tačka d) Zakona smatra se:

- a) Proizvod koji se, u skladu s propisima o kvalitetu i drugim zahtjevima, stavlja u promet kao lož ulje lako specijalno, a svrstava u okviru tarifne oznake ex 2710 19 62 10 CT BiH,
- b) Lož ulje lako specijalno koje je namijenjeno za upotrebu u specifičnim procesima, a koje se svrstava u okviru tarifne oznake 2710 19 51 00 CT BiH,
- c) Lož ulje lako specijalno koje je namijenjeno za hemijsku preradu, a koje se svrstava u okviru tarifne oznake 2710 19 55 00 CT BiH.".

Član 6.

Član 7. mijenja se i glasi:

"Član 7.

(Duhanske prerađevine)

Duhanskim prerađevinama, u smislu odredbe člana 6. Zakona, smatraju se:

- a) Cigare i cigarilosi koji sadrže duhan, a svrstavaju se u okviru tarifne oznake 2402 10 00 00 CT BiH,
- b) Cigarete koje sadrže duhan, a svrstavaju se u okviru tarifnih oznaka 2402 20 10 00 i 2402 20 90 00 CT BiH,
- c) Duhan za vodenu lulu koji se svrstava u tarifnu oznaku 2403 11 00 00 CT BiH,
- d) Duhan za pušenje koji se svrstava u okviru tarifne oznake 2403 19 10 00 i duhan za pušenje iz tarifne oznake 2403 19 90 00 CT BiH pod uslovom da je priređen za maloprodaju,
- e) Duhan za žvakanje i šmrkanje koji se svrstava u tarifnu oznaku 2403 99 10 00 CT BiH,
- f) Ostali proizvodi pod uvjetom da sadrže duhan, a svrstavaju se u okviru tarifne oznake 2403 99 90 00 CT BiH,
- g) Homogenizirani ili rekonstituisani duhan koji se svrstava u tarifnu oznaku 2403 91 00 00 CT BiH pod uvjetom da je priređen za maloprodaju.

Član 7.

Član 8. mijenja se i glasi:

"Član 8.

(Bezalkoholna pića)

Bezalkoholnim pićima u smislu člana 7. stav (1) Zakona, smatraju se:

- a) Osvježavajuća bezalkoholna pića od voćnog soka, voćnih baza i biljnih ekstrakata, energetska pića i aromatizirana osvježavajuća bezalkoholna pića koja se svrstavaju u okviru tarifne oznake 2202 10 00 CT BiH,
- b) Osvježavajuća bezalkoholna pića od surutke koja se svrstavaju u okviru tarifnih oznaka 2202 90 91 00, 2202 90 95 00 i 2202 90 99 00 CT BiH,
- c) Voćni nektari koji sadrže manje od 50% soka u prirodnom stanju koji se svrstavaju u okviru tarifne oznake 2202 90 10 00 CT BiH".

Član 8.

Član 9. mijenja se i glasi:

"Član 9.

(Alkohol, alkoholna pića i voćne prirodne rakije)

- (1) Alkoholom u smislu člana 8. stava (1) Zakona, smatra se:
- a) Nedenaturirani etil alkohol koji se svrstava u okviru tarifnih oznaka 2207 10 00 00, 2208 90 91 00 i 2208 90 99 00 CT BiH,
 - b) Denaturirani etil alkohol koji se svrstava u okviru tarifne oznake 2207 20 00 00 CT BiH,
 - c) Sirovi destilat koji se svrstava u okviru tarifne oznake 2208 20 40 00 CT BiH pod uvjetom da je dobiven destilacijom vina od grožđa.
- (2) Alkoholnim pićima u smislu člana 8. stava (2) Zakona, smatraju se alkoholna pića koja sadrže više od 2% etil alkohola i koja se kao takva stavljaju u promet u skladu sa propisima o kvalitetu i drugim zahtjevima za ovu vrstu proizvoda, a svrstavaju se u okviru tarifnih brojeva 2206 i 2208 CT BiH, osim piva, vina i voćne prirodne rakije.
- (3) Voćnom prirodnom rakijom u smislu člana 8. stava (3) Zakona, smatraju se:
- a) Proizvodi koji se ovisno od sirovine od koje se proizvodi, stavljaju u promet kao takva vrsta pića u skladu s propisima o kvalitetu i drugim zahtjevima za ovu vrstu proizvoda, a svrstavaju se u okviru tarifnih oznaka ex 2208 20 29 10, ex 2208 20 89 10, 2208 90 33 00, ex 2208 90 33 10, 2208 90 38 00, ex 2208 90 38 10?2208 90 45 00, 2208 90 48 00 i 2208 90 71 00 CT BiH,
 - b) Sirovi destilati koji se svrstavaju u okviru tarifne ex 2208 90 38 20 CT BiH,
 - c) Sirovi destilat koji se svrstava u okviru tarifne oznake 2208 20 40 00 CT BiH pod uvjetom da je dobiven destilacijom komine od grožđa."

Član 9.

Član 10. mijenja se i glasi:

"Član 10.

(Pivo)

Pivom, u smislu člana 9. stav (1) Zakona, smatra se:

- a) Bezalkoholno pivo čije zapreminsko učešće alkohola nije veće od 0.5%, a koje se svrstava u tarifnu oznaku 2202 90 10 00 CT BiH.
- b) Pivo dobiveno od slada koje se svrstava u okviru tarifnog broja 2203 CT BiH.
- c) Pivo sa dodacima (mješavine piva s voćnim prerađevinama, voćnim sokovima, alkoholnim i osvježavajućim bezalkoholnih pićima) sa zapreminskim učešćem alkohola većim od 0.5%, a svrstavaju se u okviru tarifnih oznaka 2206 00 39 00, 2206 00 59 00 i 2206 00 89 00 CT BiH".

Član 10.

Član 11. mijenja se i glasi:

"Član 11.

(Vino)

Vinom, u smislu člana 9. stava (2) Zakona, smatra se:

- a) Vina od grožđa, uključujući i pojačana vina, koja se svrstavaju u tarifni broj 2204 CT BiH
- b) Vermut i ostala vina od grožđa, aromatizirana biljem ili aromatskim tvarima koja se svrstavaju u tarifni broj 2205 CT BiH".

Član 11.

Član 12. mijenja se i glasi:

"Član 12.

(Kahva)

- (1) Sirovom kahvom, u smislu člana 10. tačka a) Zakona smatra se nepržena kahva, sa ili bez kofeina, koja se svrstava u okviru tarifnih oznaka 0901 11 00 00 i 0901 12 00 00 CT BiH
- (2) Prženom kahvom, u smislu člana 10. tačka b) Zakona smatra se pržena kahva, sa ili bez kofeina, u zrnju ili mljevena, a koja se svrstava u okviru tarifnih oznaka 0901 21 00 00 i 0901 22 00 00 CT BiH
- (3) Ljuskama i opnama pržene kahve se, u smislu člana 10. tačka c) Zakona, smatraju se proizvodi koji se svrstavaju u okviru tarifne oznake 0901 90 10 00 CT BiH
- (4) Ostalim proizvodima od kahve koji u sebi sadrže 50% ili više kahve, u smislu odredbe člana 10. tačka d) Zakona, smatraju se:
 - a) Zamjene kahve koje sadrže 50% ili više kahve, a svrstavaju se u okviru tarifne oznake 0901 90 00 CT BiH
 - b) Ekstrakti, esencije i koncentрати kahve, koji se svrstavaju u okviru tarifne oznake 2101 11 00 00 CT BiH.
 - c) Preparati dobiveni na osnovu ekstrakata, esencija ili koncentrata kahve, ili na osnovu kahve, pod uvjetom da sadrže 50% ili više ekstrakata, esencija, ili koncentrata kahve, odnosno kahve, koji se svrstavaju u okviru tarifnih oznaka 2101 12 92 00 i 2101 12 98 00 CT BiH".

Član 12.

U članu 49. u stavu (3) tačka a) riječi "stava (2) Pravilnika" zamjenjuju se riječima "stava (1) tačka c) Pravilnika @@*"",

Stav (4) se mijenja i glasi:

"(4) Nadležni organ UIO je dužan da u roku od 15 dana odluči o zahtjevu iz stava (1) ovog člana, a u roku od 30 dana od dana podnošenja zahtjeva da izvrši povrat uplaćene akcize".

Član 13.

U članu 50. stavu (3) tački b) riječ "strane" briše se, a u tački c) iza riječi "iznosu" interpunkcijski znak ",," zamjenjuje se interpunkcijskim znakom ",," i dodaju riječi "a u slučaju uvoza, uvozu carinsku prijavu za puštanje u slobodan promet robe za koju je plaćena akciza".

Član 14.

U članu 51. stavu (2) tački a) briše se oznaka "EX 1".

Član 15.

Član 55. mijenja se i glasi:

"Član 55.

(Skladište ulja za loženje)

(1) Pod skladištem ulja za loženje u smislu člana 33. Zakona podrazumijeva se prostor koji ispunjava uvjete za obavljanje djelatnosti trgovine uljem za loženje propisanih entitetskim propisima o trgovini.

(2) Odredba stava (1) ovog člana odnosi se i na benzinsku pumpnu stanicu kao maloprodajni objekat u kojem se promet na malo ulja za loženje EL i LS obavlja preko verifikovanih uređaja za istakanje."

Član 16.

U članu 56. stav (3) mijenja se i glasi:

"(3) Uz zahtjev iz stava (1) ovog člana obavezno se prilaže rješenje nadležnog organa o odobravanju obavljanja djelatnosti trgovine uljem za loženje."

Član 17.

(1) U članu 57. stav (1) mijenja se i glasi:

"(1) Porezni obveznici koji vrše prodaju ulja za loženje EL i LS iz samostalnih posebnih skladišta ili direktnom isporukom potrošaču - dostavom na adresu kupca, dužni su voditi evidenciju o kupcima koji vrše nabavku ulja za loženje."

(2) U istom članu u stavu (3) iza riječi: "Porezni obveznici" dodaju se riječi "iz stava (1) ovog člana".

(3) U istom članu iza stava (3) dodaje se novi stav (4) koji glasi:

"(4) Porezni obveznici koji promet ulja za loženje EL i LS obavljaju na benzinskim pumpnim stanicama preko verifikovanih uređaja za istakanje dužni su evidenciju o prometu ulja za loženje voditi u skladu sa entitetskim propisima. @@*""

Član 18.

U članu 59. stavu (1) riječi "tačka a) i c)" se brišu.

Član 19.

Član 61. stav (1) mijenja se i glasi:

"(1) Postupak oslobađanja od plaćanja putarine pri uvozu dizel goriva po odlukama iz člana 60. ovog Pravilnika provodi UIO u skladu sa propisima o indirektnim porezima kojim je reguliran predmetni postupak.

Član 20.

Iza člana 71. dodaje se član 71a. koji glasi:

"UIO se zadužuje da vrši usklađivanje tarifnih oznaka proizvoda koji se oporezuju akcizom i koji su bliže određeni u ovom Pravilniku u skladu sa Odlukom o usuglašavanju i utvrđivanju Carinske tarife BiH

Član 21.

Ovaj Pravilnik stupa na snagu osmog dana od dana objavljivanja u "Službenom glasniku BiH".

Broj 02-02-38-2/12

05. juna 2012. godine

Predsjedavajući UO

Dr. Nikola Špirić, s. r.